

臟腑圖說症治合璧卷下

新津童慈菴先生 鑒定

蜀都茂亭氏羅定昌纂輯

西岐紹棠氏王 釗參訂

十二經中。臟腑脈絡。互相連貫。其病症千變萬化。其治法亦千變萬化。原不可以言語形容。唯精於醫術者。臨症審察。不使有一毫差謬。自然病無遁情。人無死枉。蓋病機之發。無一不本於臟腑。有一臟專受其病者。有兩臟兼受其病者。有數臟併受其病者。有臟病傳之於腑者。有腑病傳之於臟者。有臟腑一時同



凡例

新津童慈菴先生 鑒定

蜀都茂亭氏羅定昌纂輯
西岐紹棠氏王 釗參訂

一仲景傷寒。爲萬世醫方之祖。茲輯症治要言。仍倣傷寒例。首序太陽。次序陽明。少陽。太陰。少陰。厥陰。以足太陽膀胱居前。手太陽小腸居後。各經俱照此例。方中仍首列桂枝湯。所以尊仲景。示不忘本也。

一仲景方下所註太陽病。卽是頭痛。發熱。頸項強痛。鼻鳴。乾嘔。身



北京中医药大学图书馆版权所有

痛腰痛。骨節疼痛。所註陽明病。卽是胸腹脹滿。譫語潮熱。舌燥。口乾。大便秘。所註少陽病。卽是口苦咽乾。目眩。往來寒熱。胸脇苦滿。默默不欲飲食。心煩喜嘔。頭角疼痛。所註太陰病。卽是腹滿而吐。食不下。自利。時腹自痛。所註少陰病。卽是上吐下利。手足逆冷。但欲寐。所註厥陰病。卽是嘔逆吐瀉。手足厥冷。消渴。氣上撞心。心中疼熱。飢不欲食。食則吐衄。病情不必俱見。只要現某經病象一二樣。卽是某經之病。無論外感內傷。總不能越此病情。業醫者當先熟此。

臟腑圖說症治合璧卷下

目錄

足太陽膀胱經症治

手太陽小腸經症治

足陽明胃經症治

手陽明大腸經症治

足少陽胆經症治

手少陽三焦經症治



足太陰脾經症治

手太陰肺經症治

足少陰腎經症治

手少陰心經症治

足厥陰肝經症治

手厥陰心包絡經症治



南京中医药大学图书馆版权所有

臟腑圖說症治合璧卷下

新津童慈菴先生 鑒定

蜀都茂亭氏羅定昌纂輯

西岐紹棠氏王 釗參訂

十二經中。臟腑脈絡。互相連貫。其病症千變萬化。其治法亦千變萬化。原不可以言語形容。唯精於醫術者。臨症審察。不使有一毫差謬。自然病無遁情。人無死枉。蓋病機之發。無一不本於臟腑。有一臟專受其病者。有兩臟兼受其病者。有數臟併受其病者。有臟病傳之於腑者。有腑病傳之於臟者。有臟腑一時同



病者有內傷者。有外感者。有虛弱者。有因病而致虛者。有因虛而致病者。必須確審其病果在何臟。果在何腑。有無兼病。有無併病。有無傳變之病。或由內傷。或由外感。或因病致虛。或因虛致病。何臟何腑之病稍輕。何臟何腑之病較重。輕者可以緩治。重者必先急治。尤當察其虛實。辨其寒熱。觀其所現脈象。在於何臟何腑。應以何方藥爲主治。然後依其兼病併病。輕者重者。緩者急者。隨病加減施治。斷不可亂易古方。更不可膠執成說。或加或減。總要與病情相宜。如此斟酌。則盡善盡美矣。謹就圖

說中所列之臟腑十二經絡病機。依次分疏清楚。辨其虛實寒熱。較其緩急輕重。附以古今治驗方藥。加減機宜。俾知醫者溯委窮源。可以生死人而肉白骨。卽不知醫者。對症用方。亦可以保性命而去沈疴也。臟腑全圖內所列十二經絡病情。雜症紛繁。間有與本經相合者。連類附及。不能於本經之外。廣收博採。以炫閱者眼目。恐論說支離。反使學力淺薄者。開卷茫然。棄取無從下手。不唯有負作者苦心。轉以誤人疾病。若果能從此十二經絡症治中。細心討究。則了然於心。況此症治中。病情之重。

輕。感受之寒熱脈象之虛實。方藥之加減。無不條分縷晰。纖細畢具。不唯可以治一病。卽治千病萬病亦無難也。



一近時醫者。動謂仲景經方。難於取法。不如時下醫書。近効諸方。易於記誦。便於取用。豈知時下所用近効之五苓散。腎氣丸。大小柴胡。大小青龍等方。無一不出自仲景。彼所謂時方者。皆經方也。茲輯將取用仲景之方。逐一依經標出。使業醫者。恍然而悟。自己日在仲景範圍之中。迷而不覺。從此精進。或可一挽頹風。有心活人者。當不以予言爲謬。

一時下醫書。載列各方。每多將前人名目刪抹。彼此抄襲。竟不知出於何人。見於何書。更有冒竊古人之方。更一名。易一藥。而卽

以爲已方者。尤可鄙笑。茲輯所錄古今醫方。出自某人某書。仍存其名。使用方者。知其有所自來。其所不知者。仍闕疑以俟。

一古今醫書不下數百餘種。論脈絡者。或未論及病形。論病形者。或未論及脈絡。其中病象虛實。方藥加減。每多散漫無歸。茲輯先論脈絡。次論病情。後論方藥加減。寒熱虛實。辨以外顯病情。定以內診脈象。認脈認症。當補當清。均各和盤托出。雖未足以括十二經症治之全。而觸類引伸。已用之而不窮矣。

一古今醫方藥味分兩。無不斟酌盡善。數百年鈔刻相沿。其中分

兩。難免不無差謬。且古方今病。療治又各不同。方中何藥於病
爲宜。何藥於病爲忌。何藥當重。何藥當輕。何藥當加。何藥當減。
總要與病情脈象相宜。諺云。醫不執方。合宜而用。並非謂某病
定用某方。全藥某方。藥味定要依照本方分兩。其所以照錄古
方藥味分兩。不肯增損一字者。一以表古人慎重方藥之心。一
以杜後世師心自用之弊。

一。茲輯症治要言中。分晰病情處。用連三點。分別脈象處。用瓜子
圈。分別藥方處。用連三圈。俾閱者易於查考。

一、發熱、惡寒、身重、中氣、神、困、汗、出、不、止、者、此、陽、明、也。
二、身、熱、不、汗、者、此、陽、明、也。
三、身、熱、不、汗、者、此、陽、明、也。
四、身、熱、不、汗、者、此、陽、明、也。
五、身、熱、不、汗、者、此、陽、明、也。
六、身、熱、不、汗、者、此、陽、明、也。
七、身、熱、不、汗、者、此、陽、明、也。
八、身、熱、不、汗、者、此、陽、明、也。
九、身、熱、不、汗、者、此、陽、明、也。
十、身、熱、不、汗、者、此、陽、明、也。



南京中医药大学图书馆版权所有

足太陽膀胱經

膀胱之脈起於目內眥上額交巔入腦下項循行肩膊夾脊抵腰
循脊絡腎屬膀胱其支者從肩膊貫胛復從腰脊下行由膝後
曲處貫腳趾至足小指外側至陰穴止太陽爲諸陽之長風寒之
來必先由太陽而入太陽傷風之症頭痛發熱有汗惡寒發熱者
發於陽也無汗惡寒發熱者發於陰也若其人頭項強痛鼻鳴乾
嘔噎噎惡寒淅淅惡風翕翕發熱無論有汗無汗脈來浮緩者傷
於風也桂枝湯主之若其人頭痛身痛腰痛骨節痛發熱惡風無

汗而喘。脈陰陽俱緊者。傷於寒也。麻黃湯主之。若發汗後而煩渴。脈浮數者。津液爲熱所耗。非細故也。急服五苓散。若其人發熱惡寒。身疼痛無汗而煩躁。脈浮緊者。風寒兩傷也。大青龍湯主之。若發汗後其人發煩熱目瞑而流鼻血。及未經發汗流鼻血而脈浮緊者。仍以麻黃湯主之。若其人無身體疼痛。又無發煩目瞑。只流鼻血者。受寒甚輕。寒隨衄愈。不可再服麻黃湯。若其人形似傷寒。頭痛發熱渴而不惡寒。脈來不弦緊而弱者。瘟病也。銀翹散與九味羌活湯主之。此治太陽外感之法也。膀胱與腎相表裏。以小腸

爲嚮導。膀胱熱甚。則下焦壅塞。小便不通。膀胱寒甚。則氣化不行。小便遺溺。膀胱熱甚。溺塞者。左尺之脈必洪大。導赤散合四苓湯。膀胱寒甚。氣化不行。小便遺溺者。桂附地黃丸去澤泄。加益智仁主之。

足太陽膀胱經列方

桂枝湯

仲景

治太陽中風。陽浮而陰弱。發熱頭痛。自汗惡風。惡寒。

鼻鳴乾嘔。及陽明病。脈遲。汗出多。微惡寒。表未解者。

桂枝芍藥

生薑

三兩

甘草

二兩炙

大棗

十二枚

熱服。須臾啜稀。

熱粥以助藥力。溫覆取微似汗。不可令如水淋漓。汗出病瘥。
停後服。服一劑盡。病症猶在者。更作服。太陽病發汗。遂漏
不止。惡風。小便難。四肢微急者。加附子。若太陽症未罷。醫
者誤下。表邪乘虛入裏。胸不滿。而肚腹時痛者。本方減甘草
一半。加芍藥一倍。若大實大痛者。依本方加大黃。若下之
後。病微喘者。表仍在也。本方加厚樸杏仁。若傷寒八九日。
風濕相搏。身體痛煩。不能轉側。不嘔不渴。脈浮虛而澹者。加
附子去芍藥。若汗後身痛。脈來沈遲者。本方加芍藥生薑。